

Pol ndê bapia ñamata- nga têtj lau Tesalonika-nga

Yom whê bapia dindec sa-nga

Tesalonika ij malac atu dañ nanj yêc gameñ Masedonia-nga. Pol ij ñgac ñamata-nga bu hoc ñawaê ñayham asê yêc Tesalonika (Apo 17:1-9). Ij mbo whiñ ñac bêc daêsam dom, ma lau Israel-nga nanj sêkêñ whiñ Yisu dom yêc malac dau, nanj sem lêmuñ ij ma sêkêñ kisa ij, dec ij kölhö gi. Magoc lau Tesalonika-nga nanj sic hu sêkêñ whiñ Pômdau, nanj sêsap si sêkêñ whiñ dôñ ñanña, e ñawaê ñayham gi tiapa yêc gameñ hoñ dinañ (1:8).

Tiñambu Pol gauc gêm ñac ñapañ ma kêkiñ Timoti bu mbo whiñ ñac ma êndôhôn ñac, ma bu lic ñac sêmbo ñalêñ bocke (3:1-5). Ma Timoti mbu têtj Pol gi tiyham, ma gic miñ pi ñac si lêñ ñayham (3:6-10). ñawaê dau kôm Pol tac ñayham sambuc, dec ij to bapia dindec têtj ñac.

Pol to yom ñatô têtj lau Tesalonika-nga, bu puc ñac dôñ bu sêsap mêtê ñayham dôñ ma sêtimêtê dau ñapep. Ij whê lau batê si sêtisa ñalêñ sa têtj ñac, bu nem malô ñac ma sêtañ lau nanj sêmbac ndu su, nanj êñlêc dom. Ma ij to yom pi mêtê ñayham-ñayham daêsam nanj gic lau sêkêñ whiñ-nga ñawaê.

Pol gic hu ndê bapia

1 ¹Aô Pol, ma Sailas lu Timoti, ato bapia dindec têtj gôlôwac dabuñ malac Tesalonika-nga, mac lau nanj akêñ whiñ Damañ Anötö lu Pômdau Yisu Kilisi. Pômdau ndê mwasij ti yom malô têtj mac hoñ.

Pol tac ñayham tu lau Tesalonika si mêtê-nga

²Tôm bêc hoñ yac ateq mbec, ma am danje Anötö tu mac hoñ-nga.
³Têm hoñ yac ateq mbec têtj Damañ Anötö, nanj yac gauc gêm mac nem mêtê ñayham. Mac akôm gwelêñ ñayham tu mac nem akêñ whiñ-nga, ma akôm gêtj daêsam bu anem akiñ asidôwai, tu mac nem mêtê atac whiñ lau-nga. Ma mac akêñ Batam bu Pômdau Yisu Kilisi oc mbu meñ, dec

mac alhac n̄an̄ga eṅ. ⁴O asidōwai naṅ Anötö tac whiṅ mac ndu andô. Yac aṅyalê su bu Anötö kêgalêm mac sa ati iṅ ndê. ⁵Ṭahu bu têtṅ ndoc yac ahoc ṅawaê ṅayham asê têtṅ mac, naṅ yom dau meṅ ṅambwa dom, magoc meṅ ti Anötö ndê ṅaclai. Ma Ṭalau Dabuṅ puṅ ṅawaê dau dōṅ sip nem ṅalôm, e mac akêtṅ whiṅ n̄an̄ga eṅ. Ma mac daôm aṅyalê mêtê naṅ yac akôm, bu anem mac sa têtṅ ndoc yac ambo awhiṅ mac.

⁶Ṭawapac daêsam tap mac sa, magoc Ṭalau Dabuṅ puc mac dōṅ, dec akôc ṅawaê ṅayham sa ti atac ṅayham atu. Ṭalêtṅ dinaṅ mac apuc yac mba waṅaṅ, ma apuc Pômdau ndê waṅga bocdinaṅ. ⁷Mac nem lêtṅ dinaṅ ti dôhôn ṅayham, bu lau sêkêtṅ whiṅ-ṅga yêc gameṅ Masedonia ti Akaya-ṅga hoṅ sêlic ma sêtṅkuc. ⁸Ma mac nem lêtṅ ṅayham kôm Pômdau ndê ṅawaê ṅayham tiapa yêc gameṅ Masedonia-ṅga ma gameṅ Akaya-ṅga tawasê dom. Lau yêc gameṅ hoṅ sêtṅgô ṅawaê bu mac akêtṅ whiṅ Anötö. Bocdinaṅ gitôm dom bu yac asôm yom daṅ bu awhê mac nem lêtṅ sa têtṅ lau. ⁹Lau dau sic miṅ yom hoṅ pi mac nem lêtṅ ṅayham. Sic miṅ bu mac akôc yac sa ṅalêtṅ ṅayham, ma mac ahu anötöi gwam siṅ, ma anem daôm kwi bu anem akiṅ Anötö naṅ Anötö ṅandô, ma mbo tali ṅapaṅ. ¹⁰Ma kwahic dec mac akêtṅ Batam iṅ ndê Atu Yisu bu mbu akêtṅ undambê meṅ. Iṅ Yisu naṅ Anötö uṅ iṅ sa akêtṅ lau batê-ṅga. Yisu dau dinaṅ dec kêgaho yac su yêc Anötö ndê atac ṅandê, naṅ oc meṅ sa tiawê têtṅ bêc ṅambu-ṅga.

Pol ndê gwelen̄ yêc Tesalonika

2 ¹O asidōwai, mac aṅyalê bu yac ac mac kêsi ṅambwa dom, magoc gwelen̄ naṅ akôm têtṅ mac, naṅ ṅandô sa su. ²Mac aṅgô su bu têtṅ ndoc yac ambo malac Pilipai, naṅ lau sêpu ti sêkôm yac ṅayom daêsam. Ma têtṅ ndoc yac ahôc asê mac nem malac Tesalonika, naṅ lau sêkêtṅ kisa yac n̄an̄ga bocdinaṅ. Magoc Anötö puc yac dōṅ, dec alhac n̄an̄ga ma ahoc iṅ ndê ṅawaê ṅayham asê têtṅ mac. ³Yac alhac n̄an̄ga ma akac mac bu akêtṅ whiṅ Yisu, ṅahu bu yac aṅyalê bu yom naṅ yac ahoc asê, naṅ yom tasaṅ dom, ma yac amêṅ ambo awhiṅ mac tu bu akôm mêtê sac me aṅsau mac-ṅga dom. ⁴Mba! Yac aṅyalê bu Anötö gêlic yac atôm solop, dec kêtṅ ṅawaê ṅayham sip yac amaṅ. Ma bocdinaṅ yac ahoc ṅawaê ṅayham asê tu bu lau sêlic yac ṅayham-ṅga dom. Mba! Yac akôm tu bu Anötö, naṅ kêyalê yac neṅ ṅalôm e pi sa, naṅ lic ṅayham. ⁵Mac aṅyalê bu yac ambac yom mac dom. Ma Anötö dau kêyalê bu yom taṅgatu gêtṅ-ṅga daṅ siṅ dau yêc yac mba ṅalôm dom. ⁶Ma yac akôm tu bu mac me lau ṅatô sêtoc yac mba waêtṅ sa-ṅga dom.

⁷Kilisi dau kêyaliṅ yac sa ati †aposel, ma tu dinaṅ-ṅga dec gitôm bu yac oc taṅkwê mac bu akêtṅ gêtṅ tu anem yac sa-ṅga. Tigeṅ yac atec bu akêtṅ ṅawapac têtṅ mac, dec andac mac bu akêtṅ gêtṅ daṅ têtṅ yac dom. Yac ambo awhiṅ mac ti akôm gêtṅ malô, gitôm dinda daṅ job iṅ ndê balêkoc.

⁸Yac atac ñayham atu bu ahoc Anötö ndê ñawaê ñayham asê têtj mac. Magoc yac akêñ gêtj tigerj dinañ dom. Yac alic ñayham bu akêñ dauñ sambuc tu mac-ñga bocdinañ. Ñahu bu yac atac whiñ mac ndu andô.

⁹O asidôwai, gauc nem gwelenj nañ yac akôm yêc mac nem gameñ. Yac ambo awhiñ mac bu ahoc Anötö ndê ñawaê ñayham asê, magoc tôm ac ti ôbwêc yac akôm gwelenj atu whiñ, bu akôm kwanj dauñ-ñga. Yac atec bu akêñ ñawapac têtj mac, ma tu dinañ-ñga dec yac akôm gwelenj dinañ.

¹⁰Mac lau nañ akêñ whiñ Yisu alic yac mba mêtê hoñ nañ akôm têtj ndoc yac ambo awhiñ mac, ma añyalê bu yac akôm gêtj so dauñ dom. Yac akôm mêtê gitêtj ti dabuñ eñ. Ma Anötö kêyalê yac mba mêtê hoñ whiñ.

¹¹Mac añyalê bu yac akôm mêtê ñayham têtj mac hoñ, gitôm damba dauñ kôm têtj iñ ndê balêkoc. ¹²Yac am malô mac, ma añgilî mac ti ac yomsu mac bu añsêlêñ ti asa nem lêñ atôm Anötö ndê lau dabuñ solop. Bu iñ kêgalêm mac sa bu asôc iñ ndê †gôliñ ñapu, ma bu atap iñ ndê ñawasi atu sa.

Lau Tesalonika-ñga sêhóc ñawapac magoc sêlhac ñaŋga

¹³Ma yac am danje Anötö tôm bêc hoñ, bu têtj ndoc mac aŋgô iñ ndê yom yêc yac, nañ mac akôc sa gitôm ñamalac si yom ñambwa dom. Mba! Mac añyalê ñapep bu Anötö ndê yom solop, ma bocdinañ dec mac akôc sa. Ma kwahic dec yac añyalê bu yom dau kôm gwelenj yêc mac nem ñalôm.

¹⁴Ñahu bu mac daôm nem lau nañ sêkêñ whiñ dom, nañ sêkêñ ñawapac daêsam têtj mac, magoc yac alic bu mac alhac ñaŋga. O asidôwai, ñalêñ dinañ mac aŋkuc Anötö ndê gôlôwac dabuñ nañ sêmbo gameñ Judia-ñga, nañ si lêñ. Bu ñac dau si lau Israel-ñga sêkêñ ñawapac têtj ñac tu sêkêñ whiñ Yisu Kilisi-ñga. ¹⁵Aŋgô su nañ! Muñ-ñga lau Israel-ñga dau sic Anötö ndê lau propet ndu, ma ñasawa lec ñac sic Pômdau Yisu ndu, ma sêsoc yac su yêc ñac si gameñ. Ñac si lêñ dinañ Anötö gêlic sac. Ma ñac sêkêñ kisa lau yêc gameñ hoñ, ¹⁶bu ñac sêkôm bu sêlhac yac mba gwelenj ñawaê ñayham-ñga ahuc e yac atôm dom bu ahoc yom asê têtj †lau gameñ apa-ñga pi Anötö ndê lêñ nem ñac si-ñga. Bocdinañ sac nañ ñac sêkôm, nañ kêsôwec tiatu ñapañ, ma ñac sic waê bu sêtap Anötö ndê tac ñandê atu sa.

Pol tac whiñ bu lic lau Tesalonika-ñga tiyham

¹⁷O asidôwai, lau nañ sêkêñ kisa yac, nañ sêkac yac su ambo ahê mac ñasawa apê lec. Yac aŋôñ mba, magoc yac gauc gêm mac ñapañ, ma yac atac whiñ kêlêc bu alic mac tiyham. ¹⁸Yac atac whiñ bu ambu aloc, ma aô Pol kasahê tidim daêsam bu waloc, tigerj Sadañ kalhac yac ahuc. ¹⁹O lauhac! Têtj ndoc Pômdau Yisu bu mbu meñ, nañ yac lau aposel oc akêñ batañ gêtj sake? Ma gêtj sake oc kôm yac atisambuc? Ma ñaôli ñayham bocke oc po yac sa yêc Yisu aŋgô-ñga? Aô wasôm têtj mac! Mac lau daôm dinañ. ²⁰Yomandô! Mac daôm ati yac mba waêñ ti atac ñayham ñahu.

Pol kêkiñ Timoti têtj malac Tesalonika gi

3 ¹Yac mba ñalôm kac yac ñandô bu alic mac. Magoc atap señ dañ sa dom. Bocdinañ yac alic ñayham bu ambo malac Atens, ²ma añkiñ Timoti têtj mac goloc. Iñ yac neñ asidôwa dañ, nañ kôm Anötö ndê gwelenj ma hoc Kilisi ndê ñawaê ñayham asê whiñ yac. Yac añkiñ iñ têtj mac goloc, bu puc mac dônj ma êñgilí mac bu asap nem akêtj whiñ dônj ñaŋga. ³Yac ahêgo dauñ bu mboe ñawapac nañ tap mac sa, nañ oc kôm mac nem lau ñatô sêhu si sêkêtj whiñ siñ. Magoc mac añyalê su, bu ñawapac kainj dinañ gic waê yac lau dakêtj whiñ-ñga. ⁴Gauc nem bu têtj ndoc yac ambo awhiñ mac, nañ yac asôm asê têtj mac tidim daêsam, bu kisa oc tap yac sa. Ma yac mba yom dinañ, kwahic dec ñandô sa su. ⁵Aö gahêgo dauñ bu mboe Sadañ êntôm mac e gwelenj nañ yac akôm têtj mac, nañ oc ñandô mba. Gauc dinañ kôm aö ñalôm ñawapac ñapañ, dec kakiñ Timoti bu lic mac ma kêtj ñawaê têtj aö bu mac asap nem lêtj akêtj whiñ-ñga dônj, me ahu siñ su.

Pol tac ñayham têtj ndoc iñ ñgô Timoti ndê yom

⁶Ma kwahic dec Timoti mbu meñ hóc asê aö, ma kêtj puc ñayham pi mac nem lêtj akêtj whiñ Pômdau ti atac whiñ lau-ñga. Ma iñ sôm bu mac gauc gêm yac ti atac ñayham ñapañ, ma atac whiñ bu alic yac tiyham, tôm yac atac whiñ bu alic mac tiyham bocdinañ. ⁷O asidôwai. Yac dec ambo ti ahóc ñawapac daêsam, ma lau sêkêtj kisa yac ñapañ. Tigenj kwahic dec yac añgô bu mac akêtj whiñ ñaŋga ambo, ma ñawaê dau puc yac dônj ma kôm yac ñalôm tighô. ⁸Kwahic dec yac añyalê bu mac asap Pômdau dônj ma ahu iñ siñ dom, dec ambo ti atac ñayham sambuc.

Pol teñ mbec tu lau Tesalonika-ñga

⁹Yac mba atac ñayham tu mac-ñga gêm yac mba ñalôm ahuc têtj ndoc yac ateq mbec yêc yac neñ Anötö añgô-ñga. Yac atac whiñ ñandô bu anem danje iñ tu mac-ñga, madec oc akôm andic ñawaê. ¹⁰Tôm acsalô ti ôbwêc yac ateq mbec ñaŋga, ma andac Anötö bu tóc señ dañ têtj yac bu alic mac tiyham. Yac atac whiñ bu atêtj mac aloc, ma awhê mac nem gauc sa tiyham pi Anötö ndê yom ñatô, bu apuc mac nem akêtj whiñ dônj.

¹¹Yac andac Damañ Anötö lu yac neñ Pômdau Yisu bu sêmasañ señ bu yac atêtj mac aloc. ¹²Ma yac ateq mbec tu mac-ñga bocdec bu. Pômdau êmwasiñ mac e mac nem mêtê atac whiñ asidôwai sêkêtj whiñ-ñga êñsôwec tiatu. Ma mac atac whiñ lau hoñ bocdinañ, e mac nem mêtê atac whiñ-ñga êñsalê mac ahuc, tôm yac atac whiñ mac. ¹³Ma iñ puc mac nem ñalôm dônj bu asa Anötö ndê lêtj eñ, e Pômdau Yisu mbu meñ whiñ iñ ndê añela ti lau dabuñ hoñ. Bocdinañ têtj ndoc mac alhac Damañ Anötö añgô-ñga, nañ iñ oc lic mac bu lau dabuñ ma mac nem giso mbasi.

Taŋkuc lêtŋ naŋ Anötö tac whiŋ

4 ¹O asidôwai, yac mba yom ŋambu-ŋga têtŋ mac bocdec. Lêtŋ gitêtŋ naŋ Anötö gêlic ŋayham, ma yac andôhôn têtŋ mac su, naŋ mac akôm ambo. Ma kwahic dec yac bu aterŋ mac tu Pômdau Yisu ndê ŋaê-ŋga, bu asap lêtŋ dau dôn ŋapaŋ, ma akôm tiatu-tiatu ndi. ²Bu yom hoŋ naŋ yac andôhôn têtŋ mac am Pômdau Yisu aŋgô, naŋ mac aŋyalê su. ³Ma lêtŋ naŋ Anötö tac whiŋ, naŋ bocdec. Asa nem lêtŋ solop e ati lau dabuŋ ŋandô. Ma andic ahê mêtê mockaiŋ-ŋga tidau-tidau. ⁴Anötö kêmasaŋ lêtŋ ŋayham ma dabuŋ bu awhê lu ŋgac sêmbô sêwhiŋ dau, dec mac lau tigeŋ-tigeŋ ayob daôm bu asa lêtŋ dau ŋapep eŋ. ⁵Yomandô! Akôm mêtê ŋalôm ŋagalac-ŋga tôm lau sambuc dom, bu ŋac sêŋyalê Anötö dom. ⁶Ayob ŋapep bu mac nem daŋ kôm mêtê mockaiŋ-ŋga whiŋ asidôwa daŋ ndê awhê dom. Yac asôm asê ti akêtŋ puc mac muŋ su, bu Pômdau oc kêtŋ ŋagêyô têtŋ lau pi sac kaiŋ dinaŋ hoŋ. ⁷Aŋgô! Anötö kêgalêm yac sa bu dasa lêtŋ ŋadômbwi dom. Mba! Iŋ kêgalêm yac sa bu dasa lêtŋ dabuŋ eŋ. ⁸Yom dindéc meŋ akêtŋ Anötö, naŋ kêtŋ ndê ŋalau Dabuŋ sip mac nem ŋalôm. Bocdinaŋ asa naŋ sôc yom dau ŋapu dom, naŋ tec ŋamalac si yom dom, iŋ tec Anötö dau ndê yom bocdinaŋ.

⁹Anötö dau kêdôhôn mac pi mêtê atac whiŋ asidôwai-ŋga, ma bocdinaŋ dec yac gauc gêm bu ato yom têtŋ mac pi mêtê dau dom. ¹⁰Bu yac aŋyalê su bu mac atac whiŋ asidôwai sêkêtŋ whiŋ-ŋga hoŋ naŋ sêndôc gameŋ Masedonia-ŋga. Kwahic dec yac bu asôm têtŋ mac bu asap mêtê dau dôn ŋapaŋ eŋ, ma akôm tiatu-tiatu ndi. ¹¹Akêtŋ nem gauc ti atac whiŋ sambuc bu asa nem lêtŋ malô. Gauc nem gêtŋ naŋ gic mac ŋawaê solop, ma auŋ lau ŋatô si yom sa dom. Ma anem gwelêŋ bu akôm kwam daôm-ŋga, tôm yac asôm têtŋ mac su. ¹²Akôm bocdinaŋ bu akêtŋ ŋawapac têtŋ lau ŋatô tu sênem mac sa-ŋga dom. Ma lau naŋ sêkêtŋ whiŋ Yisu dom, naŋ oc sêlic mac nem mêtê dinaŋ, ma sêtoc mac nem lêtŋ sa.

Lau batê oc sêtisa tiyham

¹³O asidôwai, yac atac whiŋ bu awhê mac nem gauc sa pi lau naŋ sêmbac ndu su. Yac atec bu mac ataŋ daŋgibo atu tu ŋac-ŋga, gitôm lau naŋ sêkêtŋ whiŋ Yisu dom, naŋ sêtaŋ. Lau dau sêtaŋ daŋgibo atu, ŋahu bu sêkêtŋ bata bu lau batê oc sêtisa tiyham dom. ¹⁴Tigeŋ yac dakêtŋ whiŋ bu Yisu mbac ndu ma tisa tiyham, ma tu dinaŋ-ŋga dec yac dakêtŋ whiŋ bu lau naŋ sêkêtŋ whiŋ iŋ ma sêmbac ndu su, naŋ Anötö oc uŋ ŋac sa têtŋ ndoc Yisu mbu meŋ. ¹⁵Pômdau dau sôm têtŋ yac, ma kwahic dec yac ahoc iŋ ndê yom asê têtŋ mac bocdec bu. Têtŋ ndoc iŋ mbu meŋ, naŋ iŋ oc kôc yac lau naŋ dambo taŋli, naŋ sa muŋ dom. Iŋ oc kôc lau naŋ sêmbac ndu su, naŋ sa muŋ. ¹⁶Anötö oc ndic atu yom ti ŋaŋga, ma aŋela ŋamata-ŋga oc mbwêc awaha atu, ma Anötö ndê dahuc oc taŋ, goc Pômdau oc sip akêtŋ

undambê mej. Ma lau naŋ sêkêŋ whiŋ Kilisi ma sêmbac ndu su, naŋ oc sêtisa sêmuŋ. ¹⁷Goc Anötö oc kôc yac lau naŋ dambo taŋli, naŋ sa dapi lôlôc dandi dawhiŋ ŋac, ma yac hoŋ oc datap Pômdau sa yêc dao ŋalôm. Ma yac oc dambo dawhiŋ iŋ ŋapaŋ eŋ. ¹⁸Bocdinaŋ, asôm yom dindec têt daôm, bu puc mac dôŋ ma ndic malô mac nem ŋalôm.

Pômdau ndê bêc mbu mej-ŋga

5 ¹⁻²O asidôwai. Mac aŋyalê su, bu bêc Pômdau mbu mej-ŋga naŋ ŋapuc mbasi, tôm ŋac kaŋ naŋ sôc andu têt ôbwêc. Bocdinaŋ yac gauc gêm bu ato yom têt mac pi têt ti bêc dom. ³Lau ŋatô oc sêsôm yom bocdec bu, “Yac dambo têt ŋayham ma ŋawapac mba.” Ŋac oc sêsôm yom kaiŋ dinaŋ sêmbo, ma ŋagahô eŋ bêc ŋambu-ŋga dau oc mej sa ma ŋac oc sêŋga. Lau daŋ oc sêlhô su têt dinaŋ dom. Oc tôm awhê tidaê naŋ kêlhiŋ dau siŋ, magoc ŋandê tu kôc balêkoc-ŋga mej sa iŋ ŋagahô ŋambwa.

⁴Magoc asidôwai, mac aŋyalê yom pi bêc ŋambu-ŋga dau su. Mac atôm lau naŋ sêmbo ŋasec ŋalôm, naŋ dom. Ma bocdinaŋ oc tôm dom bu bêc dau hóc asê mac gitôm ŋac kaŋ e kôm mac asö. ⁵Bu mac ati balêkoc ŋasec ti ôbwêc-ŋga dom. Mac hoŋ ati balêkoc ŋawê ti acsalô-ŋga. ⁶Bocdinaŋ dambo datôm lau naŋ sêyêc bêc pu, naŋ dom. Mba! Dambo ti neŋ gauc ŋawa ma danem ali. ⁷Bu lau naŋ sênôm bu ŋaŋga e si gauc timboloc ma sêyêc bêc pu ŋawahô, naŋ lau ŋasec ti ôbwêc-ŋga. ⁸Magoc yac lau ŋawê-ŋga, ma bocdinaŋ dambo ti neŋ gauc ŋawa. Mêtê dakêŋ whiŋ-ŋga ma atac whiŋ lau-ŋga, naŋ dasap dôŋ ŋaŋga, gitôm ŋakwê siŋ-ŋga naŋ dasôc sac yac ŋabapo. Ma yac neŋ dakêŋ batanaŋ Anötö ndê mwasiaŋ nem yac si-ŋga ŋa-ŋandô, naŋ gitôm guluŋ ain naŋ lau siŋ-ŋga sêuŋ. ⁹Bu Anötö kêyaliŋ yac sa bu dahôc iŋ ndê tac ŋandê dom. Iŋ kêyaliŋ yac sa bu datap iŋ ndê mwasiaŋ nem yac si-ŋga sa tu Pômdau Yisu Kilisi-ŋga. ¹⁰Yisu mbac ndu tu yac-ŋga, ma bocdinaŋ yac bu dambac ndu me dambo taŋli têt ndoc iŋ mbu mej, naŋ taŋyalê bu yac oc dambo taŋli dawhiŋ iŋ. ¹¹Tu dinaŋ-ŋga asôm yom ŋayham-ŋayham têt daôm, ma apuc daôm dôŋ bu alhac ŋaŋga, tôm mac akôm ambo.

Yom ŋambu-ŋga

¹²O asidôwai. Yac bu andac mac bu atoc lau bata naŋ sêyob mac sem Pômdau aŋgô, naŋ sa ŋapep. Ŋac sêkôm gwelêŋ atu tu sênem mac sa-ŋga, ma sem la mac tu bu mac asap lêŋ gitêŋ dôŋ eŋ. ¹³Boc-dinaŋ atoc ŋac sa ma atac whiŋ ŋac tu gwelêŋ atu naŋ sêkôm têt mac-ŋga. Ma mac hoŋ ambo awhiŋ daôm ti atac malô eŋ.

¹⁴Asidôwai. Yac bu anem la mac bocdec bu. Akêŋ puc lau oyom bu sêndôc ŋambwa dom. Lau naŋ maya ti sêtôc dau, naŋ aŋgilí ŋac bu sêlhac ŋaŋga. Ma anem lau gauc babalê ma lau licwalô mba, naŋ sa. Akôc

nem ñalôm dôñ ma akôm mêtê malô têtñ lau hoñ. ¹⁵Lau bu sêkôm sac têtñ mac, nañ dec mac hoñ ayob daôm bu aô dom. Mac lau akêtñ whiñ-ñga akôm mêtê ñayham eñ têtñ daôm, ma têtñ lau hoñ bocdinañ.

¹⁶Tôm bêc hoñ ambo ti atac ñayham. ¹⁷Ma atej mbec ñapañ. ¹⁸Anem danje Anötö tu gêtñ wapac me gêtñ ñayham bocke nañ tap mac sa-ñga. Bu iñ tac whiñ bu mac lau nañ akêtñ whiñ Yisu Kilisi, nañ añkuc lêtñ dinañ. ¹⁹Ma asi ñjalau Dabuñ ndê ya ndu dom. ²⁰Iñ bu kac lau ñatô bu sêhoc yom asê gitôm propet, nañ dec apu ñac si yom dom. ²¹Añsahê gêtñ hoñ, ma asap ñayham dôñ. ²²Ma andic ahê mêtê sac-sac hoñ.

²³Yac atej mbec tu mac-ñga bocdec bu. Anötö Yom Malô ñjatau ndic dabiñ mac ati lau dabuñ solop. Ma bocdinañ têtñ bêc nañ Pômdau Yisu Kilisi mbu meñ, nañ Anötö oc tap sa bu mac nem giso mbasi, ma lic mac nem gatôm ti nem ñalôm ma ñamlic sambuc bu dabuñ. ²⁴Yac akêtñ whiñ bu Anötö, nañ kêgalêm mac sa, nañ oc ñgô yac mba mbec ma kôm ñandô sa.

²⁵O asidôwai, atej mbec tu yac-ñga. ²⁶Ma akam asidôwai hoñ anem yac añôñ tu Pômdau Yisu-ñga. ²⁷Yêc Pômdau añgô-ñga, aô wandac mac bu asam bapia dindêc têtñ asidôwai hoñ nañ sêmbo mac nem gameñ. ²⁸Pômdau Yisu Kilisi ndê mwasiñ têtñ mac hoñ.